

a voz do pobo

¡proletarios de todo-los
países unídevos!

Orgao do Comité Central do Partido Comunista de Galicia

Editado por P. C. G.

Año IX

Domingo, 27 Febreiro 1977

Precio: 10 Pesetas

Galicia precisa da inmediata legalidade do seu Partido Comunista

Pra que a Democracia chegue á última aldea.

Pra que a Reconciliación sexa realidade entre nós.

Pra lograr a nosa imprescindible Autonomía.

O Partido Comunista de Galicia, con il unha parte moi importante do pobo galego, l en xeral toda a opinión pública galega, agardan a noticia, dun día pra outro, da legalización do Partido Comunista, cabalo de batalla de toda a oposición democrática nos últimos meses.

¡A legalización do Partido Comunista será o millor síntoma de que a democracia val de veras neste país. A legalización do Partido Comunista é, engadimos nós, a millor garantía da liberdade de todos.

Xunto cos comunistas deben legalizarse todos os partidos da esquerda, que nos últimos anos uníronse a longa marcha do Partido Comunista, e doutros partidos, polas libertades democráticas e nacionais dos pobos de España. Os comunistas galegos l españoles, que fomos obxecto preferido durante tantos anos da represión franquista, que fomos os discriminados e marxinaos predilectos da Reforma dende que morréu Franco, nunca aceptaremos a discriminación de calquer grupo que queira actuar na nova legalidade democrática, sobre todo cando se trata de partidos que o que pretenden é precisamente apoiar a transformación democrática.

Asegún todos os indicios o PCG, e o PCE, non serán legalizados hasta pasadas unhas semanas. Dícese que deste xeito se pretende que entremos con retraso na campaña electoral.

¿Si ó fin imos recibir unha cantidade tan minoritaria de votos, como se ven afirmando, por qué tanto temor a que teñamos a posibilidade de dar a conocer ó noso pobo a verdade dos comunistas?

As forzas antidemocráticas aínda non están derrotadas. Sabendo inevitable, gracias á presión popular e democrática, tratan agora de retrasala e de negar iste dereito a outros grupos políticos de esquerda. Dende estas páxinas, A VOZ DO POBO, voceiro do PCG, que loita tamén pola súa legalización inmediata como un periódico máis —pero diferente— que os galegos podan comprar nos kioscos e na rúa, fai un chamamento a apretar o paso, a dar os últimos dous pasos pola legalización dos partidos e da prensa democrática, e non esquecer que nunca nada nos foi regalado: cada medida democratizadora é consecuencia, ante todo, da loita do pobo.

Mentras o pobo sigue coa súa loita, mentras o PCG impón a súa legalidade de feito, «eles» siguen resistindo no bunker das institucións franquistas que queren ver prolongadas... Xa temos denunciado como teñen prendido ós nosos militantes por distribuír propaganda do VIII Aniversario, hai días clausuraron un Hotel-Restaurante en Vilagarcía de Arousa por contratar o seu local pra un acto do PCG, a prensa sigue sin facerse eco das opinións e artigos do PCG e doutros partidos de esquerda (hai algunhas excepcións), os Gobernadores siguen en plan de prohibir todo acto ou mitín do PCG, os delegados de Información e Turismo siguen, en xeneral, actuando igual que en vida de Franco, etc.



Santiago Alvarez preside a entrega de carnés do Partido na Universidade de Santiago.

¿Cándo se vai a dismantelar as estruturas do Movemento? ¿Cándo haberá eleccións municipais libres? ¿Cándo deixará de ser posible que se diga que un cacique franquista como ANTONIO PUIG GAITE ten, a traveso de alcaldes e outros coma il, «controlada» cara ás eleccións a provincia de Pontevedra?

Calquera o entende: quenes disfrutaron do poder durante 40 anos queren seguir facendolo por moito que agora os aires sexan de democracia. E logo, lóxico que busquen taparlle a boca, discriminar ó Partido Comunista, o enemigo máis forte e constante de todo totalitarismo, de todo caciquismo, de toda manipulación.

Máis, non imos ceder no combate emprendido agora que se están conseguindo victorias, non imos parar a nosa loita pacífica hasta que a democratización de Galicia seña un feito irreversible.

As masas do pobo galego e todas as forzas democráticas están, l estarán, connosco, na batalla pola AUTONOMIA DE GALICIA. Sin ela non hai democracia posible na nosa terra. Son as nosas institucións políticas autónomas as que garantirán a marca democrática das institucións hoxe aínda dominadas polo franquismo: axuntamentos, Hermandades, Cofradías, certas Cooperativas, etc. A loita pola liberdade en Galicia é hoxe a loita pola Autonomía.

Aquiles que queren resucitar nas

próximas eleccións os métodos caciquiles do século pasado, os métodos do Conde de Bugallal, de José Benito ou de Calvo Sotelo, ademais de reaccionarios, son centralistas consumados. Contra iles non toparemos millor antidoto que a Autonomía e a acción das forzas consecuentemente democráticas.

O Partido Comunista de Galicia ofrece o seu esforzo, a súa loita veterana, á causa de concretar tamén en Galicia a política de Reconciliación Nacional que poña punto e final á Guerra Civil, pra poder convivir en

paz todos nun réxime democrático de verdade, autónomo e anticaciquil, calquera que fora o lugar de cadaquén no 36.

Trátase de construír unha Galicia NOVA onde o sufraxio universal seña quen máis orden, onde non haxa lugar pra quenes pretenden apropiarse —ou continuar— do poder indebidamente, nin pra quenes queren exercer o dictatorialmente. Trátase de romper de verdade co pasado fascista l entrar no presente democrático. Fagamos todos xuntos o aprendizaxe da democracia.

SOLIDARIDADE COAS ENCROBAS

Así decía a pancarta que costou a vida a Emilio Suárez Valdés, militante da XUVENTU COMUNISTA GALEGA, vítima dun accidente cando a colocaba no alto dun edificio da Universidade Laboral da A Cruña, onde estudiaba.

Unha chea de comunicados de toda Galicia chegan estos días ás redaccións dos xornales, procedentes de Asociación de Veciños, culturais, estudiantes, juveniles, profesionais, amas de casa; da práctica totalidade das forzas políticas e sindicais, expresando a súa solidariedade cos campesiños das Encrobas, afeutados polas expropiacións que a empresa «Lignitos de Meirama, S. A.» (filial

de «FENOSA»), pretende levar adiante, apoiada nunha normativa xurídica desaxeitada á realidade da estrutura socio-económica da nosa terra; nunha Administración antidemocrática e centralista que non duda en por a disposición da empresa ás forzas do Orden Público; e no silencio cómplice das Hermandades de Labradores, verdadeiras covas de caciques ó servizo dos inimigos da democracia.

O problema das Encrobas saltou ás páxinas da actualidade cando o pasado día 15, levouse a cabo o cuarto intento de ocupación de terras por parte de funcionarios da Administración e da empresa, acompañados duns 70 gardas civís que terminou

SOLIDARIDADE COAS ENCROBAS

cunha ocupación parcial de terras, e co saído de 20 contusionados e 40 detidos, a consecuencia dos enfrontamentos entre Guardia Civil e os campesiños.

Sin embargo, o conflito ven xa de bastante meses atrás, cando a Goberno, decidiu explotar os recursos de lignito, existentes naquela zona, iniciando os trámites pra ocupación da terra ó traveso do procedemento de espropiación forzosa e urgente.

A acción conxunta Administración-Gran Capital non pudo hasta agora domeñar a combatividade dos campesiños de Encrobas que defenden o que pra eles, e os seus maiores, foi i é o seu único medio de vida: o traballo da súa terra.

Faltos de terra e casa, sin outro oficio que o ser campesiño, de edades avanzadas ¿poden os campesiños das Encrobas voltar a escomenzar as súas vidas co pago dunhas indemnizacións totalmente insuficientes, que nin se sabe cando se lles abonarán?

A existencia do traslado da poboación a unha zona o máis perto posible da que agora viven, onde se lles faciliten terras e casas da mesma calidade que as que agora traballan, é a condición que os campesiños plantexan fronte á ocupación das terras. Punto iste que sería negociado coa empresa ó traveso dunha comisión nomeada por lles mesmos.

Os campesiños tiveron xa unha victoria: foi suspendida unha nova ocupación de terras que iba a ter lugar o día 21. Unha comisión dos campesiños e outra da empresa chegaron ó acordo polo cal comprometéase a xuntarse hasta chegar a unha saída definitiva sobor das terras afectadas. Unha gran victoria dos campesiños de Encrobas, que non nos debe, sin embargo, facer esquecer o problema que aínda sigue vivo.

E preciso nestos momentos prestar a máxima solidariedade ós campesiños das Encrobas. Neste senso, o Secretariado do Comité Executivo do PARTIDO COMUNISTA DE GALICIA deu publicidade a un comunicado o pasado día 17 no que facía un chamamento ó movemento obreiro e de masas e á todas as forzas democráticas galegas pra apoiar enerxicamente as reivindicacións dos pequenos propietarios das Encrobas. Entre outras cousas decía: «Os feitos que nos ocupan fan urgente un sindicato campesiño, galego, unitario, democrático e independente, previa liberdade sindical agraria, e o paso ó movemento campesiño do patrimonio das herdandas, estrutura caciquil que demostrou dabondo en 40 anos o seu carácter antidemocrático i estéril pra defensa do noso campo». Concluíu o comunicado sinalando que «a falla dun contexto de libertades democráticas fai posible a indefensión de —neste caso dos campesiños— amplios sectores sociais na reivindicación dos seus intereses».

Conflitos como o das Encrobas non son novos. Xa é longa a loita dos nosos campesiños fronte a unha Administración que: ignora a realidade e os problemas do campo galego (a cosina NON PAGAR a cuota da Seguridade Social Agraria foi posta en práctica fai xa varios anos polas Comisís Campesiñas); que permite o empara os grandes monopolios («A terra é nosa, non de «FENOSA») pra levar adiante a desposesión de terras os campesiños como nos casos de Castrelo do Miño, Xove, Veigas de Campa, Lourizán, Campobeceros, Navia, Cartelle, etcétera.

A solidariedade que houbo nestes días por parte todo o pobo galego a favor dos campesiños das Encrobas mostra a gran sensibilidade que existe na nosa terra cara a estes proble-

mas, e cúa solución non atopa cabida dentro do actual marco xurídico-político.

Na hora de conquistar as libertades políticas e sindicais en España, Galicia, que estivo sempre na vangarda, xunto cos demais pobos do Estado español, na loita contra a dictadura, non pode quedar marxinalizada nin discriminada iste proceso hacia a democracia.

Non existirán libertades políticas e sindicais plenas en Galicia mentras ésta non dispoña dun Goberno e Parlamento propios que: defendan os intereses galegos, que son os da maioría da poboación; termine dunha vez coa espoliación e rapiña de que é oxeto Galicia por parte dunha minoría oligárquica; que acabe co caciquismo de aqueles que solo lembráanse da nosa terra cando de buscar votos se trata.

E preciso chegar canto antes a un Pacto de Unidade Galega, por parte de tódalas forzas democráticas galegas que comprométanse a loitar antes, durante e despós das eleccións, pola AUTONOMIA PRA GALICIA.

CAMPAÑA 5 MILLÓNS "POR UNHA VOZ PRA O POBO"

INTERIOR

CORUNA	
Recaud. polos cdas.	70.037
«26 de Abril»	16.859 = 86.896
CORUNA, PROV.	
Recaudado polos cdas.	17.100
FERROL	
Recaud. polos cdas.	114.808
Recaud. especiais	52.050 = 166.858
SANTIAGO	
Recaud. polos cdas.	31.730 = 31.730
LUGO	
Recaudado polos cdas.	21.400
COSTA LUCENSE	
Recaudado polos cdas.	10.000
OURENSE	
Recaudado polos cdas.	13.600
PONTEVEDRA	
Recaudado polos cdas.	42.775
PONTEVEDRA, PROV.	
Recaudado polos cdas.	84.948
VIGO	
De Bujarín	5.000
De Manole, indepen.	25.000
Recaud. polos cdas.	15.850 = 45.850
VARIOS	
Recaudado polo C.C.	23.262
Compromiso C.E. (1.º)	
Entrega	24.000
De un artista	300.000
De M.	4.559 = 351.821
ESTERIOR	
FRANCIA	
(Recaudado polos cdas.)	
En París (1.º Entrega)	49.213
En París (2.º Entrega)	63.382
En Marsella	1.340
SUIZA	
Recaudado polos cad.	71.429
VARIOS	
De I.	22.260
Suma total da lista N.º 1	1.080.602

Prensa e Campaña electoral

Un dos Interrogantes da campaña electoral é: ¿Qué postura van a adoptar a prensa legal galega?

As alternativas, en esquema, son tres:

1) Informar equitativamente ós lectores sobre las diferentes listas de candidatos, sin exclusión de ningunha

que seña sinificativa (PRENSA INDEPENDIENTE).



2) Decir que se é prensa unitaria, alínea a calquer partido, e apoiar sibi-linamente a «determinada» lista de candidatos, partido ou coalición de partidos (PRENSA «VERGONZOSAMENTE» PARTIDISTA).

3) Declararse abertamente partidario dun partido ou lista electoral (PRENSA DE PARTIDO). Onde habería que incluír A VOZ DO POBO e demais xornais voceiros dos partidos.

Nin que decir ten que a segunda alternativa non nos parez alá moi democrática o transparente.

O FILLO DE BREOGAN

OS VECIÑOS DAS ENCROBAS, AUTÉNTICOS FILLOS DE BREOGAN



O XOVEN

EMILIO SUAREZ VALDES

Morreu ós 16 anos pola liberdade

Os teus camaradas que non te esquecen

A Xuventú Comunista Galega

CARTA DE LUGO

Santiago Carrillo, secretario xeral do P.C.E., recibíu, no seu domicilio de Madrid, unha carta dun campesiño de Lugo. Nela pide o seu ingreso no Partido. Hai moitas persoas como C. O. que sintense comunistas, aínda cando nunca estiveron orgalizadas, de xeito formal, no Partido. Cicáis, C. O. tivo algún familiar loitando na Guerrilla, nos anos 40, e vexe chegado o momento de, en certa forma, atoparse «de novo» co Partido. Cicáis, nas noites, escoltoulas moitas veces a emisora do Partido animando á clase obreira, ós campesiños, ós estudantes, a todo o pobo galego a proseguir sin desmayo a loita contra da Dictadura, a loita pola Liberté e o Socialismo.

Pró, mais que de seguir pensando nas razóns do seu ingreso —poden ser tantas—, pronto haberá locais públicos do PCG en todas as comarcas de Galicia e C. O. poderá ir a eles. Pronto conoceremos a súa razón. A razón de C. O., campesiño de Lugo que, como tantos outros campesiños,

pide o seu ingreso no Partido Comunista.

Ista é a súa carta:

«Día 28 Enero 1977.

Estimado Escelentísimo Señor Don Santiago Carrillo, Secretario General de todos los españoles. Pues yo C... tengo 30 años y que yo para ingresar en dicho partido Comunista porque en Lugo no conosco a ningún representante de dicho partido y por eso me dirijo a Vd., señor Santiago Carrillo —representante del Partido Comunista.

Yo C... O... he nacido el día 10 de junio de 1946, hijo de J... y A... labrador, tengo tres vacas con otro, estoy soltero, en el servicio he servido con los Regulares en Ceuta.

Pues el Carnet de Identidad si hace falta el número es... Mi dirección es... Lugo.

Atentamente,

Firmado: C. O.»

Día 28 enero 77.
Estimado Escelentísimo Señor Don Santiago Carrillo Secretario General de todos los españoles
Pues yo C... tengo 30 años, y que yo para ingresar en dicho partido Comunista porque en Lugo no conosco a ningún representante de dicho partido
y por eso me dirijo a Vd.
Escelentísimo Señor Don Santiago Carrillo —representante del Partido Comunista—
Santiago Secretario del Partido Comunista
Carrillo Secretario General Madrid



por Pepe 77

CAMPAÑA VIII ANIVERSARIO

SEGUIR ENSANCHANDO O NOSO PARTIDO

Os derradeiros acontecementos, que comoveron o país, marcaron o desenrolo dos primeiros días de celebración do Aniversario, colocaron nun plano secundario, diante a opinión pública, a nosa actividade e crearon unha inadecuada situación pra campaña propagandística, que debía ser o telón de fondo que embentara a Campaña, e pra afluencia masiva ós actos que organizabamos. Iste mesmo factor político determinou o retraso dalgunhas organizacións no escomenzo da Campaña.

Pro, a pesar dilo, da escasa información que en todo intre deu a prensa, coa clara intención de que a nosa actividade pasara o máis desapercibida posible, e das varias dúcias de detencións de camaradas, cando realizaban labours propagandística, a Campaña representou, xa, un importante avance no desenrolo do noso partido e sin ningunha dúbida o balance global foi positivo.

Nun período de tempo tan curto fixemos dúcias de actos públicos de entrega de carnés. Nuns casos nas asembleas locais de militantes, simpatizantes e amigos, e nas organizacións máis numerosas por Agrupacións. Iste acto, pros que disfrutamos, en xeral, de tolerancia, foron pequenos mítines, que remataron en festa, todos eles de extraordinaria emoción. Vivimos un reencontro do



Xulio Pérez de la Fuente

ten que ser unha das perspectivas xerais: **celebrar periódicamente este tipo de actos** pra proceder niles a entrega de carnés ós recién afiliados. O calor e a emotividade dos mesmos contribuíron a que moitos simpatizantes decidíranse a dar o paso de recoller o carné.

Non podemos silenciar, sin embargo, aqueles aspectos da Campaña menos brillantes e incluso deficientes. A campaña propagandística, a excepción cl. cals de Ferrol, non estivo á altura das circunstancias. A dinámica escomenzada a raíz da campaña pro-abstención no Referendum, de pegada masiva de carteles, venta en mesas da nosa pro-



"Loita con alces" (Entrega de carnés ós veteranos do Partido). Vigo



Viva a clase obreira galega! (Entrega de carnés na agrupación de Astano no Ferrol)



En Ourense empezou a consiña do "non pagar" (Acto VIII Aniversario do PCG)

Partido coa súa historia; as novas promocións de camaradas descubriron, as veces con asombro, un pasado heroico que nos reafirma nas nosas conviccións e nos identifica inda máis co P.C.G., viron a algúns dos protagonistas, superviventes, disa historia, ós que se lles rindiu homenaxe en todos os actos.

O carné supón un instrumento importante no desenrolo do Partido. E unha forma de materializar a vinculación ó Partido, permite unha clarificación das nosas dimensións actuais e, a súa propia existencia favorece o carácter de partido xa non clandestino, senón **aberto e público**, que debemos ter nistes intres: ó borde da conquista da nosa legalidade.

Os actos de entrega de carnés tiveron moita repercusión no medio rural, onde camiñabamos en xeral con certo retraso no relativo á aparición e traballo público. Un obxectivo temos que propoñernos, avanzar niste camiño hasta que non quede unha sola vila en Galicia na que non se teña feito un destes actos.

Nos derradeiros días, no Ferrol e na Cruña, fixéronse actos (de máis de 200 persoas cada un) pra entrega de carnés a camaradas que ingresaron durante a Campaña; o éxito foi rotundo. Por exemplo, no Ferrol, nises deus actos cos que rematou a campaña, rexistráronse 89 novos ingresos. Ista

paganda, irradiación das cidades ó campo, etc., non pode quedar interrompida cando é máis necesaria.

No mesmo senso podemos afirmar que nos quedamos cortos no obxectivo da saída pública, de presentación dos distintos comités do Partido, de solicitude de mítines, etc. Tamén niste caso, a finalización dos actos de entrega de carnés non é obstáculo pra continuar nista dirección.

Pra rematar, e na liña autocrítica que vimos desenrolando, non nos cabe dúbida de que o conxunto do Partido non prestou a atención e o esforzo necesario pra desenrolar as tres xornadas dedicadas a: muller, campo e ó mar. Iste tres frentes siguen sendo o irmán pequeno da nosa actividade. Hoxe cobran unha importancia extraordinaria e hai que reforzar de inmediato o traballo e dedicación ós mesmos.

Nista etapa preelectoral, cando algúns partidos xa están legalizados, e sobor do noso pende a incógnita, **calqueira postura de espera podería ser fatal.**

XULIO PEREZ DE LA FUENTE



Santiago Alvarez na entrega de carnés na Coruña

A VOZ DO OBREIRO

"A miña decisión"

No número 3 de A VOZ DO OBREIRO, Orgao Sindical da Comisión Obreira de Citroen, recóllese un artigo no que Manuel González Mallo, secretario da Xunta Sindical de Citroen, fala da súa decisión de afiliarse ás Comisións Obreiras. «A VOZ DO POBO», aínda que non se identifique plenamente con algúns conceptos deste artigo, cree interesante extraer algúns párrafos dil, co fin de contribuir ó maior esclarecemento da cuestión sindical, sobre todo nestes momentos nos que o Movemento Obreiro saca á luz da legalidade, tantos anos negada, as súas organizacións, e que centos de miles de traballadores están á afilarse a elas:

«Estudíei fondamente a tres dos Sindicatos existentes: Comisións Obreiras, USO e UGT; e só estudei a estes tres, porque son os que integran a Coordinadora de Organizacións Sindicales (COS), na cal creo máis que en calqueira dos Sindicatos, xa que significa a Unidade de todos eles.

Rexeitíei primeiramente a UGT, e non porque os puntos que predica sexan malos, senón por no ir ó xogo sindical estes dous últimos anos, ó negarse presentar ás últimas eleccións sindicais. Os que loitamos e posto a cara durante esos anos, estamos convencidos de que iba a ser moi difícil loitar como o fixeron senón estivéramos amparados pola pequena protección e mobilidade que ise verticalismo

posibilitaba.

Se tacha ás Comisións de ser un Sindicato Comunista. Eu preguntome: ¿Qué me importa que os actuais dirixentes das CC.OO. señen de tendencia Comunista? O fin é o cabo si dentro duns meses hai un millón de afiliados ás CC.OO., non cabe dúbida que os Comunistas serán minoría. E si eu entón teño que elixir ós que dirixan o Sindicato, e como eu terán que votar moitos, con non elixilos, cuestión arreglada. E si todos os dirixentes Comunistas voltan a saír elixidos, o que me preocupará é que me defendan sindical e laboralmente; en todo o que se aparte deste terreiro, no cal demostráronnos que son verdadeiros artistas, pois non lles farei ningún caso. E si antepoñen os intereses do Partido ós meus intereses laborais, ou seña, o día en que DENTRO DA EMPRESA misturen o laboral e o político, ese día afastareme deles e os combatierei coa mesma forza que os defenderéi mentras esté dentro do Sindicato.

A gran loita que mantiven comigo mesmo foi ó ter que elixir entre a USO e as CC.OO. O final, sopesando as cousas boas e as malas de entrambos, me inclinéi polas CC.OO.

Animo a aqueles que creen que a miña honradez e combatividade foron as precisas, á afiliarse a Comisións Obreiras, pois penso que é o Sindicato que mellor nos defenderá. Que se afilien convencidos de que, en canto eu pense que iste Sindicato non cumpre co establecido, animarémos a inclinarse por outro Sindicato mellor.

O P. C. G.: Partido Democrático

Santiago Alvarez está a rematar un libríño que leve por título —aínda que pode ser provisional— «¿Qué é e por qué loita o Partido Comunista de Galicia?». Libríño escrito con motivo do VIII Aniversario do Partido e adicado especialmente ós traballadores galegos. A continuación reproducimos un dos capítulos deste libro:

•O PCG: Partido Democrático.

O PCG é un partido democrático en toda a amplitude deste término. A súa historia foi a súa política actual é unha loita denodada pola democracia; o seus membros (obreiros, campesiños, forzas da sociedade) son a expresión das forzas sociais nas que máis firmemente ten de asentarse a democracia. O seu programa pra próxima etapa a pra ulterior etapa socialista é democrática; a súa vida interna, como partido, ríxese por métodos democráticos.

O autor deste traballo foi xuzgado no 1945 por un Consello de Guerra. A súa condena baséuse no pretendido delito de rebelión militar. Pro a causa de aquela non foi esa rebelión, que non existía, senón o feito de loitar polas liberdades políticas a nivel de Estado e polas liberdades nacionais de Galicia.

Así proclamouse diante do Tribunal, demostrando que a decisión de entrar clandestinamente en España, estaba determinada polo obxectivo de loitar por ditas liberdades, esmagadas pola victoria de Franco e pola instauración da súa ditadura.

Por loitar polas liberdades políticas e nacionais, foron detidos, condeados ou procesados, pasando anos na cadea: Rafael Pillado, Manolo Peña-Rei, Carlos Nuñez, Carlos Barros, Anxel Guerreiro, Xosé Iglesias, Amor Deus, Rúbio, Xulio Pérez de la Fuente, Sarí Alabau, Rafael Barez, Luis González, X. Abulín e moitos outros membros do C. E., do C. C. e dos comités provinciais e locais do PCG.

A razón de crearse o PCG, a súa existencia, os postulados que figuran nos seus estatutos, o programa que define os seus obxectivos, os seus fins, toda a súa traectoria como organización, a súa razón de ser nunha palabra, atopáñse en relación directa coa necesidade de establecer en Galicia e en España a democracia. Democracia política, democracia económica e social, socialismo, cimentando iste tamén nunca ampliación e profundización da democracia política.

No primeiro punto do Programa Provisional do PCG, aprobado ó fundarse este, dícese: «O obxectivo inmediato

polo que loitamos os comunistas na presente fase é a eliminación do réxime franquista e o establecemento dun réxime de liberdades políticas».

No punto XIII referido ó período de transición ó socialismo, afirmase que a democracia política e económica será un réxime de transición do capitalismo ó socialismo e subrábase que iste concíbese como un Estado democrático con liberdades políticas e pluralidade de partidos.

A loita polo socialismo na liberdade, na democracia, é un obxectivo subrábalo en todos os documentos fundamentais do Partido Comunista de Galicia.

A normas organizativas do PCG, baseadas no centralismo democrático, repousan en principios máis democráticos que os de ningún outro partido político. Todas as decisións do Partido, escomenzando pola súa táctica e estratexia, é deír, pola súa liña política, son en xeneral, sometidas á discusión e á decisión do Partido nas conferencias nacionais ou nos congresos do Partido, nas conferencias ou nas asembleas de sectores, de ramas de produción, nas cales discútese a mellor táctica a seguir no sector dado. Os acordos si non son tomados por unanimidade, adoptáñse por maioría o cal é, por esencia, o fundamento de toda democracia. En realidade, a democracia, si é auténtica, é o goberno da maioría o que espresa a vontade soberán d'ísa. Esa é a forma de goberno que fefende e pola que loita o PCG.

Un partido político obreiro, comunista é nacional cando nas súas filas están integradas polos representantes das clases e capas máis numerosas e esponentes da nación, e mantén profundas raíces de masas. Cando pola súa actuación cotidián e pola súa prolección estratéxica é capaz de interpretar e dosar os intereses de esas clases e do conxunto da nación

como comunidade human; cando os obxectivos polos que loita son consustanciais con isos intereses.

Un Partido Comunista é nacional cando ademais do dito, mantén a súa total independencia de criterio político e actuación acorde cos intereses populares e nacionais. Independencia respecto á Estados estranxeiros, ás clases dominantes e opresoras do seu propio Estado, etc.

Un Partido Comunista é nacional, ó propio tempo que internacionalista, cando sendo solidario coa acción da clase obreira e da loita dos pobos oprimidos por su liberación, a súa política, a elaboración da súa liña táctica, é totalmente independente, non é dictada nin mediatizada por ningún tipo de centro nin de disciplina internacionais.

Isas características de partido nacional son as que reúne o PCG por si mesmo e porque isas características son tamén propias do PCE.

¿Se pode ser un partido nacional e ser á vez un partido fiel representante das clases e capas máis explotadas e oprimidas da sociedade actual? A resposta afirmativa xa a anticipamos nos párrafos anteriores. E repousa no feito de que a clase obreira, os campesiños e as outras capas sociais populares constitúen a maioría absoluta da nosa poboación. Pro tamén, no feito de loitar polas reivindicacións doutras capas, coma son as dos artesáns, modestos industriais e comerciantes; é deír, da burguesía pequena e media e incluso da burguesía non monopolista.

O PCG fáise intérprete e defensor dos intereses e ancelos da maioría absoluta de nosa sociedade, non só polo que respecta ó presente momento histórico, senón tamén polo que refire ó porvir. O PCG é nacional por que é o abandeirado da loita pola liberdade nacional de Galicia como nación oprimida».



“Facer unha Galicia máis xusta e ceibe pra eles”. Vilagarcía.

A FOLGA DOS P. N. N.

Os P.N.N. de Instituto, que a nivel de Estado supoñemos un 80% de profesorado do Ensino Medio, temos como principal problema a estabilidade no posto de traballo. Somos contratados cada ano e podemos ser despedidos ó rematar o curso, sin que medie ningunha razón obxectiva, máis que «la conveniencia de la Administración», sin derelito a seguro de desemprego, como consecuencia do tipo de contrato, que é administrativo e non laboral.

O pasado ano conseguíuse artellar un aparello organizativo a nivel de Estado e escomenzouse unha folga de apoio á apertura de negociacións co Ministerio de Educación e Ciencia. Destas negociacións conseguíuse a promesa de ter traballo seguro neste ano académico.

O comenzo de curso pedíronse de novo negociacións e o M.E.C. somentes contestou cando viu que 12.500 P.N.N. estabamos en folga. Agora levamos 40 días en folga cos seguintes puntos reivindicativos:

1.º — Conxelación das actuais opozicións, que somentes cubren 8.000 plazas nun prazo de catro anos, sin ter en conta que xa agora somos 13.500 os P.N.N. en activo, deixando aparte ós parados e ás novas promocións.

2.º — Estabilidade pra os 13.500 que neste momento estamos traballando.

3.º — Non sancións.

Tivéronse sucesivas conversas cos representantes do M.E.C. pero os resultados, de momento, non foron positivos, é deír, que o problema principal sigue en pé: 8.000 e 13.500 P.N.N. do que se deduce que, aínda no suposto de que os 8.000 aprobados foran dos actuais P.N.N., 5.500 pasarían a engrosar as filas dos parados.

O problema non é acabar cos P.N.N.: sinón escolarizar a poboación e crear máis centros estatais, suprimindo a política de subvencións ó ensino privado. Este é o senso desta folga, que ten dous puntos fundamentais:

1.º — O dereito de todo traballador a conservar o seu posto de traballo.

2.º — A folga non ten un carácter corporativista porque plantea en primeiro plano a calidade do ensino que pasa necesariamente pola estabilidade do profesorado, sin que esto queira deír que defendamos a garantía do cargo de por vida, que é precisamente o que ofrece a Administración cas oposicións e que vai en contra da necesaria responsabilidade e control democrático da función docente.

VIGO: 500 COMUNISTAS NUN ACTO DO P.C.G.



Xesús Alonso Montero, recibe o carné de mans de Luis Estévez. (Vigo)

Co motivo da finalización da entrega colectiva de carnés do Partido, dentro da CAMPAA VIII ANIVERSARIO, a organización de Vigo celebró unha cea á que asistiron máis de 500 militantes e simpatizantes, caracterizándose dende o primer intre, polo entusiasmo de todos os asistentes a ela.

O final da cea, tiveron lugar varias intervencións de algúns camaradas. Abriu o fogo Augusto Fernández Docampo, responsable político do Comité Local, que resaltó a sinificación do acto como un paso máis na tarefa de impor a legalidade do Partido.

Concha Lago Piñeiro falou da historia do PCG: historia da loita da clase obreira e do pobo galego pola democracia, polo Socialismo na Liberdade e pola autodeterminación de Galicia. Waldino Varela púso de manifesto a necesidade de prepararse para as próximas eleccións nas que a clase obreira ten que estar presente cos seus propios partidos. Continóu un membro da Xuventú Comunista Galega pedindo un minuto de silencio polo militante da XCG, Emilio Suárez Valdés, morto na Universidade Laboral da Cruña. Xesús Alonso Montero sinaló a importancia da alianza das

forzas da cultura e do traballo pra conquistar unha sociedade máis xusta e máis ceibe. Paco Comesaña, 40 anos de militancia comunista, recordounos á Galicia do exilio, e cal tamén está a loitar pola liberdade da nosa terra. Carlos Barros fixo un chamamento a clase obreira a apoiar a loita dos campesiños das Encrobas, e adicóu un emocionado recordo a DOLORES, pedindo a súa volta a España. Pechóu o turno Manolo Peña Rei que animó ós presentes a seguir loitando pola conquista da legalidade pro Partido o mesmo tempo pra todos os demais partidos.

A continuación, Luis Estévez, responsable de organización do Comité Local, fixo entrega de carnés ós membros do C. L. de Vigo, e deceas de simpatizantes decidíronse tamén a collelo. A gran maioría dos asistentes xa tiñan recollido nos actos das Agrupacións.

Terminóu o acto co Himno Galego e a Internacional. Foi o acto sin dúbida máis importante de cando se celebraron hasta agora, dentro da Campaña VIII Aniversario polo número de asistentes a il. Agardamos que axiña quede superado.